



Inatsisartuni ilaasortaq
Sofia Geisler, Inuit Ataqtigiit
/Maani

**Qaqortumi Kalaallit Nunaata Ammerivianit / Great Greenlandimit
kemikaliat eqqakkat pillugit § 37 naapertorlugu apeqquteqaammut nr. 006-
2020-mut akissut**

Allakkap ullua: 22-01-2020
Suliap normua: 2020 - 540
Akt-id: 12719194

Postboks 1614
3900 Nuuk
Oqarasuaat. (+299) 34 50 00
Fax (+299) 34 54 10
E-mail: pan@nanoq.gl
www.naalakkersuisut.gl

Asasara Sofia Geisler

Inatsisartut suleriaasianni § 37 naapertorlugu Qaqortumi Kalaallit Nunaata Ammerivianit / Great Greenlandimit kemikaliat eqqakkat pillugit apeqquteqaateqarputit. Apeqqutitit uannit akineqartussanngorlugit innersuunneqarput.

1. Qaqortumi Kalaallit Nunaata Ammeriviani nioqqutissiornermi atorneqartut kemikaliat eqqagassanngortut qanoq isumagineqartarnersut pillugu Naalakkersuisut ilisimatitsisinnaappat?

Akissut:

Kalaallit Nunaata Ammerivianit igitassat kemikaliat igitassallu ulorianaatillit allat kommunip innersuussutai naapertorlugit suliarineqartarput. Tassalu perchlor-eqarfimmit sinnikut Danmarkimut Reno Nord-imut, eqqakkanik ulorianaatilinnik avatangiisinut mingutsitsinngitsumik isumaginnittuusartumut nassiunneqassapput. Eqqiaanermi igitassat allat aammalu puisit amiisa sinnikui kommunip ikuallaavianut tunniunneqassapput.

2. Kalaallit Nunaata Ammeriviani amernik suliaqarnermi kemikalianik atuisarnerup suliffeqarfiup avataanut akornutaannginnera Naalakkersuisut uppersarsinnaavaat?

Akissut:

Naamik, Naalakkersuisut uppersarsinnaanngilaat, kemikalianik atuisarnerup kingunerisaanik suliffeqarfiup eqqaani avatangiisianut akornutaanera.

3. Kemikalianik avatangiisinut aniatitsisoqartarsimappat tamatuma avatangiisinut akornusiisinaanera qanoq nakkutigineqarnerisox Naalakkersuisut ilisimatitsissutigisinnaavaat?

Akissut:

Avatangiisinut akuersissutaasimasumi *Namminersornerullutik Oqartussat nalunaarutaat nr. 11, 20. august 2004-meersoq Suliffeqarfuit mingutsitsivallaartut il.il. avatangiisinut tunngatillugu akuersissuteqarfigineqartarnerat pillugu naapertorlugu, suliffeqarfik*

ingerlatsinermut allattaavinnik, ukiumoortumik Pinngortitamut Avatangiisinullu Naalackersuisoqarfimmut, nakkutilliinermi oqartussaasuusumut nassiunneqartartussanik suliaqartassasoq piumasarineqarpoq. Tamatuma saniatigut suliffeqarfik nakkutilliinermut oqartussaasut piumasaqarnerisigut silaannarmik mingutsitsinermik, tipiliornermik nipiliornermillu uuttortaalluni misissuisassaaq. Krom, imaanut kuutsinneqartoq erngup annertussusianik uuttortaanikkut, misissugassanik tiguisarnikkut krom-eqassutsimillu misissueqqissaarnikkut misissuiffigineqartassaaq. Tamatuma saniatigut Pinngortitamut Avatangiisinullu Naalackersuisoqarfik suliffeqarfimmik nakkutilliisuusaaq.

4. Paasissutissanik allanik pisamut tunngasunik Naalackersuisut peqarpat?

Akissut:

Sammisamut tunngatillugu Naalackersuisut annertunerusunik paasissutissaateqanngillat.

Inussiarnersumik inuulluaqqusillunga

Kim Kielsen 

INUIT ATAQATIGIIT

Inatsisartuni



3. januar 2020

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara.

Naalakkersuisunut apeqquut:

- 1. Qaqortumi Kalaallit Nunaata Ammeriviani nioqqutissiornermi atorneqartut kemikaliat eqqagassanngortut qanoq isumagineqartarnersut pillugu Naalakkersuisut ilisimatitsisinnaappat?**
- 2. Kalaallit Nunaata Ammeriviani amernik suliaqarnermi kemikalianik atuisarnerup suliffeqarfiup avataanut akornutaannginnera Naalakkersuisut uppersarsinnaavaat?**
- 3. Kemikalianik avatangiisinut aniatitsisoqartarsimappat tamatuma avatangiisinut akornusiisinaanera qanoq nakkutigineqarnersoq Naalakkersuisut ilisimatitsissutigisinnaavaat?**
- 4. Paasissutissanik allanik pisamut tunngasunik Naalakkersuisut peqarpat?**

(Inatsisartuni ilaasortaq Sofia Geisler, Inuit Ataqatigiit)

Tunngavilersuut:

Imerpalasunik / imermik atoriikkatsinnik saliivinnik Nunatsinneq peqanngilagut, tamannalu nunat tamakkerlugu politikkikkut aqutsinermi piaartumik isiginiartariaqalerparput. Avatangiissitsinnut akornutaasinnaasunik minnerpaaaffiliisinnaasunik peqannginnatta sulissutigiuartariaqarparput pinngortitamut avataatungitsinniittumut eqqakkatta akornutinngorsinnaasut annikinnerpajuarnissaat.

Tamanna soorunami aamma atuuppoq Kalaallit Nunaata Ammerivianut, suliffinnik pilersitsinermigut inissisimaffigisaminut pingaarutilerujussuunermi saniatigut kulturikkut ilisarnaatitsitut suliffeqarfittut pingaaruteqarluinnartumut.

Tamanna tunuliaqutaavoq Naalakkersuisunut apeqquutigisannut qulaani allassimasunut.

Kissaatigivara apeqquutikka ullut suliffiusut qulit qaangiutinnginneranni akineqarnissaat.